



## PM: ČÁZEVOULÁŠ JIETNARIIKA

## Stierdna skearrofitnodat 2019

Álbuma *Understanding/Áddejupmi* lea goalmát ja mañemus trilogiijas riddo Finnmarkkus ja Romssas. Dán viiddis projeavttas lea Johan Sara jr. čoaggán jienaid luonddus mánggaid jagiid. Son lea dulkon luonddu ja ellid, ja geavahan jienaid maid lea bádden (field recordings) vuodđun komposišuvnnaide. Luonddus lea su giella maid mii eat álo ipmir, muhto mii dovdat dan čábbavuoda. Seammás leat hui mihtilmas jienat maid komponista lea atnán govvidit dáid duovdagiid. Diet golbma oasi mitalit makkár eallin lea mearragáttis, mearas ja mañemus vel čázevuolde. Olbmojietna dego bajida čázevuoláš ritmmaid ja jienaid, ja rievddada gaskal mearabotni vuolimus bassa gitta lottiid vizardeapmái.

Áigumuš dáinna trilogiijain lea govvidit, muhto maiddái laktit oktii luonddu, olbmo ja elliid hearckes árktalaš birrasis, lea duodaid čalmmustahttin dálkkádaga áššiid davvin. Go guldat, de dego havssát mearačázi ja dovdat movt suhkanfánas (fatnasaš) sugada, ja mearalottiid ja bossuid (fálláid) jienat čuvvot ja fañuhit du.

– Mun lean álo beroštan jienain, dadjá Johan Sara jr. Mánnávuoda rájes oaččui son beroštumi iežas mearrasámi bajásšaddandili geažil. Su áhčči hástaliid guldat buot mii lihkadii dan gávčči jahkodagas. Dien válddii Sara mielde olles olmmožin ja su dáiddalaš doibmii komponistan, musihkkárin ja juoigin.

Musihkka trilogiijas *Sea Sami*, *See* (2016), *Transforming* (2017) ja *Understanding* (2019), guoskkaha dovdduid, lea lihkaheatti ja hirmat čábbát. Jietnaduovdagat leat ivdnát ja seavdnjadat, čuovgadat ja šalgadat, diktasat ja rahpasat. Buot oktanis, dego livččii juoga dildi diŋga.

Dán musihkkii ádjána veahá áiggi oahpásmuvvat, mediteret ja smiehttat dan birra. Álbumat leat juo bivnuhat dánsujeddjiide, ja musihkka lea juo geavahuvvon golmma čájálmasain 2019.

Musihkka: Komponeren ja lágidan Johan Sara jr.  
Olgoš: Elisabeth Strifeldt ja Susanne Hætta  
Bossujienat (Fálesjienat): Audun Rikardsen  
Mastering: Audun Strype

STI16 CD All rights reserved © & P 2019 STIERDNA, pb 95,N-9525 Máze  
[johansara@gmail.com](mailto:johansara@gmail.com) Stierdna RLabel /Facebook [www.stierdna.com](http://www.stierdna.com)  
[www.musikkoperatorene.no](http://www.musikkoperatorene.no)  
Artist kontakt: +47 97618383 [johansara@gmail.com](mailto:johansara@gmail.com)  
Johan Sara jr. +47 97618383